

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 17. Februar 2016

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un den Här Banneminister an den Här Minister fir Entwécklungshëllef weiderzeleeden.

Nieft dem Staatsbudget fir Entwécklungshëllef, si jo och vill Gemengen an dem Domän aktiv, sief et datt se selwer als Partner oprieden oder Associatiounen an ONGen aus der Zivilgesellschaft ënnerstëtzen. Dofir hätt ech dës Froen fir d'Häre Banneminister a Minister fir Entwécklungshëllef:

1. Wéi eng Gemengen gi wéivill Suen fir Entwécklungshëllef aus, sief dat an eegener Regie, am Partenariat mat Associatiounen an ONGen, déi sech ëm Entwécklungshëllef këmmere, oder a Form vu Subventiounen un esou Associatiounen an ONGen?
2. Wéi verschafft de Staat sech do en Iwwerbléck a wéi informéieren d'Gemengen de Staat?
3. Wéi eng Länner profitéieren vun deene Suen?
4. Koordinéieren d'Gemengen hir Efforten mam Staat fir d'Efficaciteit vun där Hëllef ze optiméieren?
5. Am Fall, wou et op deem Gebitt keng Koordinatioun géng ginn, sinn d'Ministeren der Meenung, datt dat eng gutt Situatioun ass oder datt do Remedur ze schafen ass?
6. Wann een d'Hëllef vun de Gemengen bei déi staatlech Depensen no de Critèren vum DAC nach géng dobäi rechnen, wéi e Prozentsaz vum BNA géng dann am Total fir déi Lëtzebuenger Entwécklungshëllef eraus kommen?

Mat déiwem Respekt,



Fernand Kartheiser
Deputéierten